



Број:

Sarajevo, 28. 5. 2024.

**KOLEGIJ PREDSTAVNIČKOG DOMA PSBiH**  
**KOLEGIJ DOMA NARODA PSBiH**

04-06-2024

02,03,03/11-05-1-567/24

3

**Predmet:** Izvještaj sa sastanka Međunarodnog sekretarijata IPS-a  
i Međunarodne političke konferencije,  
Solun, Grčka, od 14. do 17. maja 2024. godine

Delegatkinja u Domu naroda Parlamentarne skupštine Bosne i Hercegovine Snježana Novaković-Bursać učestvovala je na Međunarodnoj političkoj konferenciji "Politika kao oblast izražavanja hrišćanskih vrijednosti u svakodnevnom životu", koja je održana na Aristotelovom univerzitetu u Solunu, kao i na proljetnom sastanku Međunarodnog sekretarijata Interparlamentarne skupštine pravoslavlja koji je prethodio konferenciji.

Na sastanku Međunarodnog sekretarijata dr. Maksim Karakopoulos, generalni sekretar ISP-a, predstavio je pregled proteklih aktivnosti od novembra 2023. godine do danas. Osim toga, predsjedavajući Komiteta za izmjene i dopune osnivačkog akta ISP-a, šef kiparske delegacije u ISP-u Panikos Leonidu, predstavio je nacrt amandmana Osnivačkog akta. Nakon izrade amandmana, članovi Međunarodnog sekretarijata prihvatili su tekst i saglasili se da ih podnesu predstojećoj generalnoj skupštini na ratifikaciju i stupanje na snagu. Blagajnik ISP-a, član parlamentarne delegacije Grčke Atanasije Davakis, predstavio je finansijski izvještaj za posljednjih šest mjeseci.

Prilikom planiranja budućih aktivnosti delegati su se fokusirali na održavanje 31. generalne skupštine ISP-a, koja treba biti održana u Palermu (Sicilija) od 27. juna do 1. jula o temi: "Evaluacija zaključaka Međunarodne političke konferencije o hrišćanskim vrijednostima. ISP pred novim dešavanjima."

Nakon sastanka Međunarodnog sekretarijata, a povodom održavanja evropskih izbora u junu 2024. godine, Sekretarijat ISP-a, Konferencija evropskih crkava (CEC), Komisija biskupske konferencije Evropske unije (COMECE), mitropolija solunska i teološki fakultet Aristotelovog univerziteta u Solunu, organizirao je međunarodnu konferenciju s temom „Politika kao oblast izražavanja hrišćanskih vrijednosti u svakodnevnom životu“, koja je trajala od 15. do 17. maja 2024. godine.

U uvodnom obraćanju, pozdravne govore održali su zamjenik Parlamenta Grčke Atanasije Buras, prof. Hrizostom Stamulis, dekan Teološkog fakulteta AUS-a, Njegovo visokopreosveštenstvo mitropolit solunski g. g. Filotej, te rektor AUS-a Karalambos Feidas, kao i zamjenik generalnog sekretara Lige muslimanskog svijeta dr. Abdulrahman Abdulah Alzaid.

Ceremonija otvaranja završena je potpisivanjem dokumenta kojim je upućen apel evropskim institucijama o hrišćanskim vrijednostima, a potpisali su ga šefovi organizacija: generalni sekretar ISP-a dr. Maksim Karakopulos, predsjednik Konferencije evropskih crkava (CEC), Njegovo visokopreosveštenstvo arh. Nikita iz Titeire i Velike Britanije, predsjednik Komisije Biskupskih konferencija EU (COMECE), Njegovo ereosveštenstvo episkop Marijano Krosijata i moderator Organizacije „Zajedno za Evropu“ Gerhart Pros.

Snježana Novaković-Buršać učestvovala je kao panelista na sesiji posvećenoj promociji hrišćanskih vrijednosti u javnoj oblasti. Tom prilikom naglasila je da u vrijeme kada evropski kontinent prolazi kroz stalno i svjesno urušavanje sistema vrijednosti, naša dužnost je da budemo solidarni, empatični, te da budemo otvoreni za probleme i patnje drugoga. Istakla je da političari moraju raditi na promociji vrijednosti istine i pravde, bez kojih nema trajnog mira, a istina ne može biti nametana. Također je rekla da se kao društvo moramo boriti za očuvanje porodice i stvaranje novih života jer bez rađanja i brige o djeci svaki drugi posao je upitan. Sve to dugoročno treba biti provedeno u socijalne i zdravstvene politike, kao i u mjere od lokalnog nivoa do državnih strategija, zaključila je Novaković-Buršać.

Konferencija je obuhvatila okrugle stolove posvećene sljedećim temama: I) Državni/nacionalni interesi i hrišćanske vrijednosti jučer i danas, II) Promocija hrišćanskih vrijednosti u javnoj oblasti (društvo i privreda), III) Hrišćanske vrijednosti i crkveni izraz, IV) Hrišćanske vrijednosti i zakonodavna djelatnost: primjer iz oblasti obrazovanja, V) Hrišćanske vrijednosti i svakodnevni politički život: istine, prepreke, zavisnosti, VI) Hrišćanske vrijednosti u oblasti međunarodne politike.


Cilj konferencije bio je približavanje, proučavanje i promocija hrišćanskih vrijednosti u oblasti društva, politike i društvenih nauka, kao i u političkom dijalogu koji se razvija u kontekstu ovogodišnjih evropskih izbora.

Učesnici konferencije govorili su o potrebi redefiniranja okvira prioriteta koji bi doprinijeli održivoj budućnosti Evrope i istaknuli važnost koncepta koji bi osigurao veće učešće građana u procesu donošenja odluka i upravljanja evropskim poslovima.

Trodnevnoj konferenciji prisustvovali su parlamentarci iz brojnih zemalja, bivši ministri, zvaničnici međunarodnih organizacija, kandidati za europoslanike, predstavnici crkava, predstavnici civilnog društva, te članovi akademske zajednice.

Izvještaj pripremila

Olja Golijanin




Odjel za protokol

Izvještaj odobrila

Snježana Novaković-Buršać

Delegatkinja u Domu naroda PSBiH



Dostaviti:

- naslovu
- Komisiji za vanjske poslove PDPSBiH
- članovima Delegacije PSBiH u ISP-u
- Sektoru za odnose s javnošću PSBiH
- a/a